

Na osnovu člana 12. Zakona o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu („Službene novine Tuzlanskog kantona“ broj:16/20), Ministarstvo privrede Tuzlanskog kantona objavljuje:

### **JAVNI POZIV**

**za kandidovanje projekata za dodjelu nepovratnih novčanih sredstava iz Budžeta Tuzlanskog kantona za 2021. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu**

#### **I. PREDMET**

Predmet Javnog poziva je kandidovanje projekata jedinica lokalne samouprave koji se nalaze na listi projekata iz Programa javnih investicija Tuzlanskog kantona 2021.-2023. godine, u cilju dodjele nepovratnih novčanih sredstava iz Budžeta Tuzlanskog kantona za 2021. godinu nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu.

#### **II. NAMJENA SREDSTAVA**

Sredstva iz ovog Javnog poziva namjenjena su za podršku nedovoljno razvijenim nerazvijenim i izrazito nerazvijenim jedinice lokalne samouprave za finansiranje isključivo razvojnih projekata jedinica lokalne samouprave iz oblasti:

- proizvodnje, izvoza, osnivanja i razvoja malih i srednjih preduzeća,
- saobraćajne infrastrukture,
- obrazovanja,
- zdravstva,
- sporta i kulture,
- poljoprivredne proizvodnje i ruralnog razvoja,
- izgradnje novih, rekonstrukcije i održavanja postojećih objekata komunalne infrastrukture,
- razvoja i izgradnje turističkih kapaciteta,
- i za druge značajne projekte podrške lokalnom razvoju.

#### **III. PRAVO I USLOVI ZA DODJELU SREDSTAVA**

Prijavu na Javni poziv mogu podnijeti jedinice lokalne samouprave na području Tuzlanskog kantona, koje ispunjavaju sljedeće uslove:

- Broj stanovnika: do 12.500,
- Površina: do 350 km<sup>2</sup>,
- Broj naseljenih mjesta: do 50,
- Indeks razvijenosti u rasponu: do 1,00.

Za primjenu navedenih podataka koristit će se socioekonomski pokazatelji po općinama Federacije Bosne i Hercegovine utvrđeni od strane Federalnog zavoda za programiranje razvoja za 2020. godini.

#### **IV. NAČIN I KRITERIJI RASPODJELE SREDSTAVA**

Novčana sredstva iz budžeta Kantona kao tekući transfer nižim nivoima vlasti, sa potrošačke jedinice: „Podrška nedovoljno razvijenim, nerazvijenim i izrazito nerazvijenim općinama“ dodijelit će se na osnovu sljedećih kriterija:

##### **1) Minimalno učešće u raspodjeli budžetskih sredstava**

Pojedinačno učešće jedinica lokalne samouprave u raspodjeli novčanih sredstava iz budžeta zasniva se na sljedećim omjerima:

- a. nedovoljno razvijenim jedinicama lokalne samouprave u pojedinačnim iznosima minimalno 5% od iznosa utvrđenog u budžetu,
- b. nerazvijenim jedinicama lokalne samouprave u pojedinačnim iznosima minimalno 10% od iznosa utvrđenog u budžetu,
- c. izrazito nerazvijenim jedinicama lokalne samouprave u pojedinačnim iznosima minimalno 15% od iznosa utvrđenog u budžetu.

##### **2) Kriteriji za uvećenje minimalnog učešća po osnovu prihoda**

Minimalni pojedinačni iznosi utvrđeni na osnovu kriterija iz tačke 1). uvećavaju se po osnovu prihoda jedinica lokalne samouprave u skladu sa sljedećim kriterijima:

- a. do 10% za jedinice lokalne samouprave čiji operativni prihodi iznose do 2.000.000,00 KM,
- b. do 5% za jedinice lokalne samouprave čiji operativni prihodi iznose od 2.000.000,00 KM do 3.000.000,00 KM,
- c. do 3% za jedinice lokalne samouprave čiji operativni prihodi iznose od 3.000.000,00 KM do 4.000.000,00 KM.

**Napomena:** Operativni prihodi jedinice lokalne samouprave uključuju poreske i neporeske prihode koje je ostvarila u protekloj fiskalnoj godini, a koje će jedinice lokalne samouprave dostaviti kao prilog uz prijavni obrazac.

##### **3) Kriteriji za uvećenje minimalnog učešća po osnovu stope nezaposlenosti**

Minimalni pojedinačni iznosi utvrđeni u skladu sa kriterijima iz tačke 1). uvećavaju se po osnovu stope nezaposlenosti jedinicama lokalne samouprave u skladu sa sljedećim kriterijima:

- a. do 5% za jedinice lokalne samouprave u kojima je stopa nezaposlenosti veća od 70%,
- b. do 3% za jedinice lokalne samouprave u kojima je stopa nezaposlenosti od 50% do 70%.

#### **KUMULATIVNO UVEĆANJE UČEŠĆA**

Za jedinice lokalne samouprave koje ispunjavaju sve navedene kriterije, vrši se kumulativno uvećanje pojedinačnih iznosa u raspodjeli sredstava, u skladu tačkama 1), 2). i 3).



## **V. NAČIN PRIJAVE I POTREBNA DOKUMENTACIJA**

Podnosilac prijave prilikom apliciranja na Javni poziv obavezno dostavlja:

- a) Prijavni obrazac (popunjen i ovjeren od strane ovlaštene osobe JLS) koji se može dobiti u Ministarstvu i putem web stranice Vlade Tuzlanskog kantona: <http://vladatg.gov.ba/>;
- b) Račun prihoda i rashoda u setu obrazaca godišnjeg obračuna (fotokopija);
- c) Izjava da se odobrena sredstva neće koristiti za isplatu plaća, naknada i dodataka na plaću zaposlenih i isplatu materijalnih troškova, potpisana od strane ovlaštenog lica i ovjerena od strane organa uprave.

Podnosilac prijave obavezno popunjava sve rubrike Prijavnog obrasca, zaokružuje ponuđene opcije upita i odgovara za vjerodostojnost svih unesenih podataka.

Kandidovani projekti na Javnom pozivu će se razmatrati na osnovu dostavljenog Prijavnog obrasca, uz uvid u priloženu dokumentaciju. Nepotpune, neuredne i neblagovremene prijave neće biti predmet daljeg razmatranja.

## **VI. OPĆE ODREDBE**

Podnosioci prijava popunjavaju obrazac za prijavu na javni poziv koji se nalazi na web stranici Vlade Tuzlanskog kantona: <http://vladatg.gov.ba/>

Javni poziv ostaje otvoren **15 dana** od dana objavljivanja na web stranici Vlade Tuzlanskog kantona. Krajnji rok za dostavu prijava je **31.08.2021. godine**.

Prijave na javni poziv sa potrebnom dokumentacijom slati putem pošte na adresu:

**MINISTARSTVO PRIVREDE TUZLANSKOG KANTONA**  
**Pisarnica Vlade TK, Rudarska 57, 75000 Tuzla**  
sa naznakom:

**„Prijava na javni poziv za kandidovanje projekata za dodjelu nepovratnih novčanih sredstava iz Budžeta Tuzlanskog kantona za 2021. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu – NE OTVARAJ”.**

## **VII. OSTALE ODREDBE**

Na web stranici Vlade Tuzlanskog Kantona: <http://www.vladatk.gov.ba/> bit će objavljen:

- 1) JAVNI POZIV za kandidovanje projekata za dodjelu nepovratnih novčanih sredstava iz Budžeta Tuzlanskog kantona za 2021. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu
- 2) OBRAZAC za kandidovanje projekta;

Izveštaj o utrošku budžetskih sredstava sa kompletnom dokumentacijom o namjenskom utrošku dostavlja se 30 dana od dana završetka projekta, a najkasnije do 30.06. naredne godine. Obrazac

izvještaja o utrošku budžetskih sredstava će biti objavljen na web stranici Vlade TK nakon zaključivanja ugovora sa jedinicama lokalne samouprave kojim su odobrena sredstva.

**Napomena:**

- Sredstva iz ovog poziva neće se dodijeliti za projekte koji se ne nalaze na listi projekata Programa javnih investicija iz 2021.-2023. godine, i za isplatu plaća, naknada i dodatka za plaću zaposlenih i isplatu materijalnih troškova.
- U postupku javnog oglašavanja Ministarstvo privrede Tuzlanskog kantona ne snosi nikakve troškove učesnicima na Javnom pozivu, te zadržava pravo da poništi Javni poziv.
- Prispjela dokumentacija po Javnom pozivu se neće vraćati.
- U slučaju nedostatka sredstava u Budžetu Kantona obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- Informacije vezane za Javni poziv mogu se dobiti svakim radnim danom u terminu od 12,00 do 15,00 sati na broj telefona 035/369-353.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo privrede**  
**Broj:03/1-11-16523 /21**  
**Tuzla, 16.08.2021. godine**



**MINISTAR**

*[Handwritten signature]*  
**Mevludin Hođić, dipl.ing.maš**